

清・許豫和 撰

橡
村
治
驗



清・許豫和 撰

橡
村
治
驗



橡村治驗・解題

清·許豫和撰。成書於乾隆五十年（公元一七八五年）。

許豫和，字宣治，號橡村。歙縣（今屬安徽）人。是書爲兒科叢書，內容包括七種：《幼科痘疹金鏡錄》、《橡村痘訣》、《痘訣餘義》、《怡堂散記》、《怡堂散記續編》、《小兒諸熱辨》、《橡村治驗》。此處所錄爲《橡村治驗》中的『用藥須知』。

今據清·乾隆五十年（公元一七八五年）刻本影印。

（王咪咪）

用藥須知

用藥之機在乎辨症辨症不明藥於何有能知辨症在乎明理不讀詩書理安得明

文人廣看醫書臨症茫然不知用雖多何益庸醫日習醫藥而不明書理動微殺人醫家必先讀六經然後從師臨症庶知用藥

六經而下張劉朱李都要會通臨症自有感觸用藥自無偏頗常見有專事溫補者有習用寒涼者只讀得一家書

耳

治驗

聖

作文要中題射簡要中的用藥要中病八面風欄杆網習以爲常而不知愧醫云乎哉

欲知用藥先須識藥不識形色氣味何由知所使

識得形色氣味並須識藥之真偽及收采之時修治之法而藥之性始與吾心相感乃能用之而不疑

形色藥之體也氣味藥之用也藥之取效氣味爲重菟獨藥本荆芥薄荷以氣用者也芩連之苦烏梅之酸食鹽之鹹國老之甘以味用者也椒桂大黃氣味俱厚惟善用者取諸

六淫外侵以仲景法治之仲景之用參附所以驅邪也七情內結以東垣法治之東垣之用升柴所以輔正也舉此推之可也

藥爲我用則參附可使驅邪升柴可使輔正我爲藥用則參耆益氣歸芍養血而已

予一生內熱服丸藥數十年不離知柏並無中寒之患一日在席慢食椒醬一豆許當時唇腫喉痛故一生用藥惟桂附最慎

桂附雖慎認症的確予亦何嘗肯廢但不敢輕用耳然見

治驗

聖

有常服者與予之服知栢同人之稟賦本自不齊藥爲補偏救弊而設然求之桂附之體則百中不過一二

細辛一味非東南分野之藥真少陰症仲景麻黃附子細辛湯用之餘無敢用者邇來喉科每輕用細辛予曾見服細辛者幾人皆咽喉糜爛而死不知藥性之利害罔人性命哀哉

沙參石斛扁豆茯苓雖悞用何傷參耆悞服亦在可救若苓連之寒桂附之熱麻黃之散大黃之利一或有差變生頃刻是以古人諄諄致戒故麻黃之用滾湯泡過大黃之

酒浸酒洗吳萸之湯泡七次應用處尙如此其斟酌而况蠟置巴霜聚變百祥能使毒藥赴病正氣不傷學者俱當細細玩味

藥有當製者如達表和血之用酒製消痞飲汗之用醋製潤下之用鹽水和脾之用陳土米泔止嘔之用姜汁皆萬不可損者也

白朮之功在燥炒之以土益其燥也地黃之用在滋蒸及九次透其液也世有惡白朮之燥而蒸用之慮地黃之滯而炒用之是欲疾其車而方其輪遺程而刖其足也

治驗

陽

或問穀芽與老米同性其用亦有別乎予曰有穀芽含生發之機宜於胃老米抱陳腐之氣利於脾

炒黑藥如荊芥蒲黃地榆槐花之屬古人用以止血邇時有不因血症而牛膝麥冬亦炒成炭甚至銀花菊花亦炒成炭欺人乎自欺乎

牡蠣炒阿膠便泄者宜之血液之屬必竟以淡酒溶化爲是

臍帶有三孔一通天氣一通地氣一通母氣河車置器中以水浮起覆者爲男仰者爲女此物之易辨者虎豹之骨

麋鹿之茸此物之難辨者

阿膠寄生之多僞非目睹終難信諒情用之不必深責

赤小豆赤而緊小者能利濕肆中所用形圓而半黑者各相思子不可用

穠荳生於野晚成得清露之氣清涼解毒之最妙者

凡物可食而有利於病者謂之餌草木虫魚之不可食而
有功於病者則謂之藥食之不必入乎藥猶藥之不可以
爲食俗有以海參魚鱔燕窩淡菜等物加入養陰藥中服
之些少無功可見此時醫好異之過也經曰陰之所生本

治驗

聖

在五味調和作膳豈不大妙

或謂食物既不入藥則古人之用飴糖葱白姜棗獨非食物乎予曰此世俗之所謂藥引者也藥之疎散貴有生氣
生姜葱白助表藥而生發之也中氣不立飴糖之甘以守
中榮衛不和姜棗之辛甘以和榮衛統諸藥之力歸之藥
引之中所以爲妙仲景方後仿而行之必如逍遙之用薄
荷歸脾之用龍眼則可若如近時之用燕窩淡菜葶薺筍
尖蘿下之類則未見其可也

或謂痘科之用魚筍非藥引乎予曰痘以發爲主納清涼

之力於魚筍之中引而伸之則藥力得矣

調治內傷以脾胃爲主歸脾湯心之脾胃藥也逍遙散歸芍六君肝之脾胃藥也生脉湯補中益氣肺之脾胃藥也六味地黃湯腎之脾胃藥也地黃以色名生用爲脾胃之正藥煮熟色黑遂用爲補腎之藥黑者色之變也非地黃之本色也世俗之論地黃丸以其中有茯苓山藥謂其能補脾者此見之淺也六君之補脾胃補後天之脾胃也地黃之色變而爲黑補先天之脾胃也

地黃生用苦寒熟則變爲甘溫旣已甘溫非脾胃藥乎色

治驗

吳

色旣自黃而黑味復由苦而甘脾胃兼補顯然明矣世人惑於泥膈之說使先天之脾胃無以茲生致令火炎土燥肺金消鑠而不可爲矣